



SLUŽBENI GLASNIK

UNSKO-SANSKOG KANTONA

Godina IX – broj 17

15. decembra 2005.
BIHAĆ

Izdanje je na bosanskom
jeziku

1058.

Na osnovu poglavlje V, odjeljak A, 2. člana 11. n) Ustava Unsko-sanskog kantona («Sl.glasnik USK-a» br:1/04 i 11/04) i člana 84. Zakona o zdravstvenom osiguranju («Sl.novine F BiH» br. 30/97 i 7/02), Skupština Unsko-sanskog kantona, na prijedlog Vlade Unsko-sanskog kantona, na 39. sjednici održanoj dana 08.12.2005. godine, donijela je

ODLUKU

o neposrednom učešću osiguranih lica u troškovima korištenja zdravstvene zaštite na teritoriji Unsko-sanskog kantona

Član 1.

Ovom odlukom, u skladu sa Zakonom o zdravstvenom osiguranju («Sl. novine Federacije BiH» broj: 30/97 i 7/02), utvrđuje se neposredno učešće osiguranih lica u troškovima korištenja zdravstvene zaštite na teritoriji Unsko-sanskog kantona, osigurana lica koja se oslobađaju

neposrednog učešća u ovim troškovima, način plaćanja neposrednog učešća osiguranih lica u pojedinim troškovima zdravstvene zaštite na teritoriji Unsko-sanskog kantona (u daljem tekstu: učešće), mjesto i način naplate učešća, evidentiranje i iskazivanje priliva sredstava po ovom osnovu, način plaćanja učešća za osigurana lica koja su posebnim propisima oslobođena neposrednog učešća i druga pitanja od značaja za provođenje ove odluke.

Član 2.

Učešće osigurana lica plaćaju u vidu premije (u daljem tekstu: premija) umjesto plaćanja učešća za svaku pojedinačnu zdravstvenu uslugu za koju je ovom odlukom utvrđen iznos neposrednog učešća.

Osigurana lica koja uplate premiju iz stava 1. ovog člana oslobođena su učešća u svim troškovima primarne, konsultativno-specijalističke i bolničke zdravstvene zaštite, osim u troškovima ambulante i stacionarne rehabilitacije u specijaliziranim zdravstvenim ustanovama (banjsko liječenje).

Član 3.

Upravni odbor Zavoda zdravstvenog osiguranja Unsko-sanskog kantona (u daljem tekstu: zavod) utvrđuje visinu premije po osiguranom licu do 31. oktobra tekuće godine za narednu godinu.

Iznos premije ne može biti veći od 10% ostvarenog prihoda iz obaveznog zdravstvenog osiguranja po jednom osiguranom licu u tekućoj godini na teritoriji Unsko-sanskog kantona.

Za 2006. godinu visina premije iz člana 2. ove odluke iznosi 15,00 KM po osiguranom licu.

Član 4.

Premiju iz člana 2. ove odluke osigurana lica uplaćuju na račun Zavoda.

Uplata premije za narednu godinu može se plaćati od 01. novembra tekuće godine.

Premija mora biti u cijelosti plaćena do 31. januara godine za koju se plaća.

Nakon što osigurano lice uplati premiju, Zavod u zdravstvenu legitimaciju unosi klauzulu da je osigurano lice oslobođeno plaćanja neposrednog učešća za tu kalendarsku godinu.

Uputstvo o uplati premije i evidentiranje u zdravstvenu legitimaciju donosi direktor Zavoda.

Član 5.

Osigurano lice koje u cijelosti ne uplati premiju do 31. januara tekuće godine ne može koristiti pravo na oslobađanje od neposrednog učešća u toj godini.

Član 6.

Osigurana lica neposredno učestvuju u troškovima korištenja zdravstvene zaštite za:

1. prvi pregled kod ljekara opće prakse i zubnog ljekara u primarnoj zdravstvenoj zaštiti 3,00 KM
2. ponovni pregled kod ljekara opće prakse i zubnog ljekarau primarnoj zdravstvenoj zaštiti 3,00 KM
3. prvi pregled kod ljekara specijaliste 5,00 KM

4. ponovni pregled kod ljekara specijaliste 3,00 KM
5. kućna posjeta ljekara opće prakse 8,00 KM
6. kućna posjeta ljekara specijaliste 10,00 KM
7. pregled ljekara specijaliste na zahtjev osiguranog lica 8,00 KM
8. pregled ljekara subspecijaliste na zahtjev osiguranog lica 10,00 KM
9. konzilijarni ljekarski pregled na zahtjev osiguranog lica 20,00 KM
10. ambulantno-fizikalni tretman 8,00 KM
11. laboratorijske analize-po nalazu 2,00 KM
12. EKG sa očitovanjem 10,00 KM
13. ispiranje želuca 10,00 KM
14. pleuralna i abdominalna punkcija 20,00 KM
15. punkcija abdominalne ciste i abscesa 40,00 KM
16. druge punkcije 10,00 KM
17. punkciona biopsija pod kontrolom ultrazvuka 50,00 KM
18. scintigrafija jednog organa 40,00 KM
19. izotopsko određivanje jednog hormona 10,00 KM
20. klirens PTA 40,00 KM
21. ultrazvučni pregled 15,00 KM
22. mamografija 10,00 KM
23. ergometrija 20,00 KM
24. fonokardiogram 10,00 KM
25. holter-monitoring za dinamičku elektrokardiografiju 20,00 KM
26. kontrola pace-makera 10,00 KM
27. pletizmografija 15,00 KM
28. spirometrija 10,00 KM
29. bronhoskopija 30,00 KM
30. testovi na alergene 10,00 KM
31. rectoskopija 10,00 KM
32. rectoskopija sa uzimanjem biopsije 20,00 KM
33. gastroskopija 10,00 KM
34. colonoskopija 20,00 KM
35. elektroencefalografija (EEG) 15,00 KM
36. EEG plus snimljeni nalaz ... 20,00 KM
37. EEG maper 30,00 KM
38. EEG u snu 80,00 KM

39. evocirani potencijali po nalazu	20,00 KM	lokalnoj anesteziji	10,00 KM
40. rutinska elektromiografija ..	20,00 KM	70. ostale dermatološke intervencije	3,00 KM
41. elektromiografija facijalnih mišića	25,00 KM	71. iniciranje lijeka u zglobne šupljine, PV blokade	15,00 KM
42. elektromiografija sa elektroneurografijom	30,00 KM	72. ambulantno davanje infuzionih otopina	10,00 KM
43. elektromiografija sfinktera..	35,00 KM	73. bris vaginalnog sekreta	5,00 KM
44. RTG-skopija pluća	5,00 KM	74. vaginalna ispiranja	5,00 KM
45. RTG-nativni snimak po ekspoziciji uz očitovanje	5,00 KM	75. pregled sperme	10,00 KM
46. RTG gastroduodenuma, mikciona cistografija	20,00 KM	76. citohormonalni ginekološki pregled	15,00 KM
47. IVU, pasaža crijeva	30,00 KM	77. kolposkopija	10,00 KM
48. irigografija	40,00 KM	78. test na trudnoću	10,00 KM
49. CT bez kontrasta, po nalazu ..	50,00 KM	79. stavljanje i vađenje spirale ..	10,00 KM
50. CT sa kontrastom, po nalazu	80,00 KM	80. iseminacija	50,00 KM
51. magnetna rezonanca sa kontrastom	150,00 KM	81. biopsija cerviksa	30,00 KM
52. magnetna rezonanca bez kontrasta	120,00 KM	82. eksplorativna kiretaža	30,00 KM
53. mikrobiološki nalaz po uzorku	5,00 KM	83. ispiranje uha, lokalna terapija vanjskog uha	5,00 KM
54. određivanje krvne grupe, Hb, AG, trombotest, WAR	5,00 KM	84. hemostaza kod ekscizije zuba	5,00 KM
55. koagulogram skrining, anti HIV, anti DCV, titar antitijela	10,00 KM	85 laringoskopija	5,00 KM
56. kompletni koagulogram	15,00 KM	86. audiogram, vestibulogram ..	8,00 KM
57. laserska terapijska intervencija	20,00 KM	87. imobilizacija luksiranih zuba, incizija abscesa	10,00 KM
58. vađenje stranog tijela iz oka .	5,00 KM	88. vađenje stranog tijela iz uha, nosa, prednja nosna tamponada ..	10,00 KM
59. gonioskopija, visus, ortoptički pregled, lonometrija, fundus	5,00 KM	89. zadnja nosna tamponada	15,00 KM
60. vidno polje, perimetrija	5,00 KM	90. ezofagoskopija	20,00 KM
61. određivanje i recept za naočale	5,00 KM	91. ambulantna obrada rana	10,00 KM
62. pregled za kontaktne leće	8,00 KM	92. ambulantna obrada većih rana	15,00 KM
63. hirurški tretman hordeoluma	5,00 KM	93. ambulantni operativni zahvati u anesteziji	20,00 KM
64. sondiranje suznih kanala, tuširanje rožnjače injiciranje lijeka	8,00 KM	94. previjanje rana	5,00 KM
65. biopsija kože i vidljivih sluzokoža	10,00 KM	95. obrada rane, incizija abscesa, previjanje većih opekotina	10,00 KM
66. mikroskopska analiza preparata za gonoreju, gljivice ili trihinozu	8,00 KM	96. obrada većih opekotina	15,00 KM
67. dermatološki testovi TZANK, DNCB	8,00 KM	97. kateterizacija uretre	10,00 KM
68. drugi dermatološki testovi - po jednom testu	3,00 KM	98. šivanje rane i manji zahvati u lokalnoj anesteziji	15,00 KM
69. odstranjenje manjih kožnih tumora u		99. lumbalna punkcija	10,00 KM
		100. kompresivna terapija po seansi	20,00 KM
		101. sklerozacija vena	20,00 KM
		102. sklerozacija hemoroida	20,00 KM
		103. bužiranje uretera	10,00 KM
		104. citoskopija u lokalnoj anesteziji	20,00 KM

105. interna urethrotomija u lokalnoj anesteziji 25,00 KM
106. stavljanje stenta u ureter (ne uključuje cijenu stenta) 30,00 KM
107. citoskopija uz vađenje uretre, bešike, stavljanje sonde 25,00 KM
108. frakcionirano davanje seruma 26,00 KM
109. operacija atheroma, madeža, clavusa u lokalnoj anesteziji 20,00 KM
110. stavljanje manje gipsane udlage 10,00 KM
111. stavljanje veće gipsane udlage 5,00 KM
112. skidanje gipsa 5,00 KM
113. repozicija iščešenja, skidanje osteosinteze 20,00 KM
114. stavljanje šancove kragne .. 10,00 KM
115. ortopedske punkcije i inicizije 10,00 KM
116. svi drugi navedeni operativni zahvati, 10% od utvrđene cijene .
117. hirurške estetske korekcije, 100% od utvrđene cijene, osim ako predstavljaju korekciju i poboljšanje funkcije organa uzrokovane povredom ili hirurškom intervencijom
118. vađenje zuba 2,00 KM
119. popravka jednog zuba 5,00 KM
120. liječenje zuba po intervenciji 3,00 KM
121. lijekovi s Liste lijekova Zavoda kada je učešće Zavoda u nabavci lijeka 100% po receptu 1,00 KM
122. bolničko liječenje
- za svaki BO dan do 15 dana 8,00 KM
 - preko 15 dana za svaki BO dan 5,00 KM
123. boravak u bolnici za majku pratilju uz dijete starije od 1 godine, a na zahtjev majke za svaki BO dan 20,00 KM
124. korištenje prijevoza sanitetskim vozilom:
- do 40 km 10,00 KM
 - od 41 do 80 km 20,00 KM
 - od 81 do 120 km 50,00 KM
 - preko 120 km 100,00 KM

Član 7.

Sva osigurana lica plaćaju slijedeće zdravstvene usluge:

1. vještački prekid trudnoće iz nemedicinskih razloga 100%
2. akupunktura 100%
3. hirurško-estetske korekcije 100%
4. liječenje u inostranstvu, ako nije odobreno u skladu sa propisima, 100%
5. zdravstvene usluge liječenja od trovanja alkoholom, akutnog pijanstva i tuče 100%
6. neobavezne vakcinacije 100%
7. banjsko-klimatsko liječenje 40% od cijene usluge u zdravstvenoj ustanovi.

Član 8.

Učešće Zavoda u nabavci ortopedskih pomagala i drugih pomagala endoproteza i lijekova na recept utvrđuje se u skladu sa aktom kojim se reguliše način i postupak za ostvarivanje tih prava u Zavodu.

Član 9.

Od učešća u troškovima korištenja zdravstvene zaštite oslobođena su osigurana lica kada koriste slijedeće vidove zdravstvene zaštite:

1. hitnu medicinsku pomoć uz odgovarajući prijevoz

Doktor medicine na osnovu medicinske znanosti i lične odgovornosti procjenjuje:

- a) potrebu za pružanjem hitne medicinske pomoći
- b) vrstu i obim te pomoći
- c) potrebu za odgovarajućim prijevozom
2. pregled radi propisivanja lijekova hroničnim bolesnicima
3. liječenje zaraznih bolesti koje podliježu obaveznom prijavljivanju, uključujući AIDS
4. zdravstvena zaštita žena u vezi sa trudnoćom, porođajem i materinstvom
5. liječenje nefropatije u terminalnoj fazi bolesti (hemodijaliza)
6. liječenje malignih oboljenja i inzuloovinskog dijabetesa

7. provođenje obavezne imunizacije dječijih zaraznih oboljenja

8. liječenje povreda na radu i profesionalnih oboljenja

Za liječenje povreda na radu i oboljenja od profesionalne bolesti u skladu sa odredbama člana 36. i člana 81. Zakona o zdravstvenom osiguranju (Sl. novine Federacije br.30/97 i 7/02), sredstva u cijelosti osigurava poslodavac.

Član 10.

Od neposrednog učešća u troškovima zdravstvene zaštite oslobođena su osigurana lica:

1. Osigurana lica koji primaju stalnu novčanu pomoć po propisima o socijalnoj zaštiti i lica smještena u ustanovama socijalne zaštite
2. Porodice šehida i poginulih boraca
3. Ratni vojni invalidi shodno procentu invalidnosti
4. Nezaposleni demobilisani borci koji zdravstvenu zaštitu ostvaruju putem Kantonalnog ministarstva za pitanja boraca i ratnih vojnih invalida
5. Raseljena lica koja imaju svojstvo osiguranog lica po tom osnovu
6. Duševni bolesnici koji zbog prirode i stanja bolesti mogu ugroziti svoj život i život drugih lica ili oštetiti materijalna dobra
7. Oboljeli od progresivnih nervno-mišićnih oboljenja, paraplegije, kvadriplegije, cerebralne paralize i multipleks-skleroze.

Član 11.

Sredstva ostvarena naplatom u skladu sa odredbom člana 2. ove odluke prihod su Zavoda.

Član 12.

U Zavodu se vodi evidencija o uplaćenim premijama.

Oblik i sadržaj evidencije sredstava premije utvrđuje se posebnom odlukom direktora Zavoda.

Član 13.

Zdravstvene ustanove su dužne da vode evidenciju naplaćenih sredstava po osnovu učešća

osiguranih lica. Evidencija sredstava učešća vodi se na osnovu izdatih blok priznanica.

Blok priznanica sadrži sljedeće podatke: ime i prezime osiguranog lica, jedinstveni matični broj (JMBG), naziv zdravstvene ustanove, naziv zdravstvene usluge i naplaćeni iznos.

Zdravstvena ustanova dužna je svakom osiguranom licu izdati blok- priznanicu za izvršenu uplatu učešća.

Član 14.

Izveštaj o naplaćenom iznosu neposrednog učešća osiguranih lica iz člana 6. ove odluke zdravstvena ustanova dostavlja Zavodu, do petog u mjesecu za protekli mjesec uz dokaz o izvršenom prijenosu sredstava na račun Zavoda.

Oblik i sadržaj evidencije sredstava i način prijenosa sredstava učešća osiguranih lica utvrdit će se posebnom odlukom direktora Zavoda.

Član 15.

U slučaju promjene cijena zdravstvenih usluga, Upravni odbor Zavoda predlaže Skupštini Unsko-sanskog kantona odluku o promjeni iznosa koji su u ovoj odluci iskazani u apsolutnom iznosu.

Član 16.

U slučaju korištenja zdravstvene zaštite van Unsko-sanskog kantona, a na području Bosne i Hercegovine, osigurano lice plaća iznos neposrednog učešća utvrđen odlukom nadležnog organa na čijem području je koristilo usluge zdravstvene zaštite.

Član 17.

Premija osiguranja iz člana 3. stav 3. ove odluke za 2006. godinu može se uplatiti odjednom ili u tri jednake rate, s tim da ukupna premija mora biti uplaćena do 30.6.2006. godine.

Član 18.

Iznos sredstava prikupljenih po osnovu Odluke o neposrednom učešću osiguranih lica u troškovima korištenja zdravstvene zaštite na

teritoriji Unsko-sanskog kantona («Sl. glasnik USK-a broj:6/99, 2/00, 8/02 i 15/04), za 2005. godinu su prihod Zavoda zdravstvenog osiguranja.

Član 19.

Danom stupanja na snagu ove Odluke prestaje da važi Odluka o neposrednom učešću osiguranih osoba u troškovima korištenja zdravstvene zaštite na teritoriji Unsko-sanskog kantona («Sl. glasnik USK-a» broj: 6/99, 2/00, 8/02 i 15/04) i Uputstvo o primjeni Odluke o neposrednom učešću osiguranih osoba u troškovima korištenja zdravstvene zaštite na teritoriji Unsko-sanskog kantona («Sl. glasnik USK-a « broj: 1/02).

Ova odluka stupa na snagu danom objavljivanja u «Službenom glasniku Unsko-sanskog kantona», a primjenjivat će se od 01. januara 2006. godine.

Broj: 01-1-409/05 Predsjedavajuća Skupštine
08. decembra 2005.godine Unsko-sanskog kantona
B i h a ć Durić dr. Jasminka

1059.

Na osnovu poglavlje V, odjeljak A, člana 11. Ustava Unsko-sanskog kantona («Sl.glasnik USK-a» br:1/04 i 11/04), Skupština Unsko-sanskog kantona, na prijedlog Vlade Unsko-sanskog kantona, na 39.sjednici održanoj dana 08.12.2005.godine, donijela je

Odluku

o izmjenama i dopunama Odluke o osnovicama i stopama doprinosa za obavezno zdravstveno osiguranje

Član 1.

U Odluci o izmjenama i dopunama Odluke o osnovicama i stopama doprinosa za obavezno zdravstveno osiguranje («Sl.glasnik Unsko-sanskog kantona», broj 6/99, 15/04 i 20/04) u članu 10 tačka 6 u trećem redu broj "13" zamjenjuje se brojem "1,5%".

Član 2.

Ova odluka stupa na snagu danom objavljivanja u Službenom glasniku Unsko-sanskog kantona.

Broj: 01-1-408/05 Predsjedavajuća Skupštine
08. decembra 2005.godine Unsko-sanskog kantona
B i h a ć Durić dr. Jasminka

1060.

Na osnovu člana V. A. 2. 11 n) Ustava Unsko-sanskog kantona («Sl.glasnik USK-a» br: 1/04 i 11/04), Skupština Unsko-sanskog kantona, na 39.sjednici održanoj dana 08.12.2005. godine, donijela je

Odluku

o izmjenama i dopunama Odluke o Agenciji za privatizaciju

Član 1.

U Odluci o Agenciji za privatizaciju Unsko-sanskog kantona ("Sl.list Unsko-sanskog kantona", broj 4/97, "Sl.glasnik Unsko-sanskog kantona", broj: 6/03), član 9. stav 5. mijenja se i glasi:

"Mandat članova Upravnog odbora je četiri godine".

Član 2.

Član 11. stav 4. mijenja se i glasi:

"Mandat članova Nadzornog odbora je četiri godine".

Član 3.

Ova odluka stupa na snagu danom donošenja i objaviće se u "Službenom glasniku Unsko-sanskog kantona".

Broj: 01-1-410/05 Predsjedavajuća Skupštine
08. decembra 2005.godine Unsko-sanskog kantona
B i h a ć Durić dr. Jasminka